

# Universitätsbibliothek Paderborn

### D. Bernardi Primi Clarævallensis Abbatis, Ordinis Cisterciensium Antesignani, melliflui Ecclesiæ Doctoris Sermones In Dominicas & Festa per annum

**Bernardus < Claraevallensis >** 

Sermones Tres.

urn:nbn:de:hbz:466:1-39254

De Ascensione Domini, Sermo V.

Quod evidentius in Apostolis invenitur impletum. Ubi enim videntibus illis suus îlle JESUS tam manifeste elevatus est, & ferebatur in ecelum, ut nemo eorum opus haberet interrogare, quò vadis, ipía jam (ut lis datiita dixerim) occulta fide edocti funt supplices in cœlu levare oculos, puras tendere manus, promissa sibi dona charismatum postulantes, donec fieret repente de cœlo sonus advenientis Spiritus vehementis, advenientis utique Ignis, quem Dominus JESUS mittebat in terram, volens vehementer accendi. Constat quidem eos & priùs Spiritum accepisse, cum videlicet insuffavit eis, & dixit k : Accipite Spiritum sanctum, sed spiri- k Ioan. 20.f tum plane fidei & intelligentiæ, non fervoris, quo magis illuminaretur Apostoli diratio, quam inflammaretur affectio, dum duplicati utique spiritus opus versimode acfuit. Quos enim Verbum Patris disciplinam & scientiam ante docue- ceperunt Sp. s. primum inrat, & intellectu adimpleverat corda eorum, adveniens utique postmo- sufflante Chridum Ignis divinus, & inveniens jam receptacula munda, infudit uberius sto; deinde dona charismatum, & in spiritualem omnino mutavit amorem, ut accen- postquam afsa in eis charitas fortis ut mors, jam non modò fores, sed ne ipsa quidem cendie. ora propter metum Judzorum claudere dignaretur. Cuius nos gratiz pro nostræ exiguitatis modo præparantes, exinanire per omnia nosmeti- Praparatio ad psos, & à delectationibus miseris, & caducis consolationibus evacuare studeamus, dilectissimi, corda nostra, maximeque instante nune die festo & ferventiùs & fiducialiùs unanimiter perseveremus in oratione, ut sua nos visitatione, sua consolatione & confirmatione dignetur Spiritus ille benignus, spiritus duleis, spiritus fortis, insirma roborans, aspera planans, corda purificans: qui cum Patre & Filio idipsum, sed non is ipse est: ut tres unum & unum tres esse verissimè prorsus & fidelissimè catholica Ecclesia sateatur, à Patre adoptata, à Filio desponsata à Spiritu Sancto confirmata, quibus ut una substantia, sic eadem nihilominus gloria in sæcula fæculorum, AMEN.

Typus fuit Spi-

IN FESTO PENTECOSTES, S ERMO

Elebramus, dilectissimi, hodie Spiritus sanctisolemnitatem, tota Ocum jucunditate celebrandam, dignam omni devotione. Dulciffi- Festi huius dimum enim quiddam in Deo Spiritus sanctus est, benignitas Dei, & idem gnitas. ipse Deus. Proinde si celebramus Sanctorum solennia, quanto magis eius à quo habuerunt ut sancti essent quotquot suere Sancti? Si veneramur sanctificatos, quanto magis ipsum Sanctificatorem convenit honorari? Hodie itaque festivitas est Spiritus Sancti, quia visibiliter apparuit invisibilis, ficut & Filius, cum sit nihilominus invisibilis in seipso, dignatus est exhibere Sermones S. Bernards. 00

-

t

e

S. Patris Bernardi 202 exhibere se in carne visibilem. Hodie Spiritus sanctus revelat nobis ali-

quid de seipso, sicut unte de Patre & Filio aliquid noveramus. Nam persecta Trinitatis cognitio, vita æterna est. Nunc antem ex parte cognoscimus, reliqua cred imus quæ minime sufficimus comprehendere. Et de Patre quidem novi Creationem, clamantibus creaturis: Ipse fecit nos, & non ipsi nos 4. Invisibilia enim DEI à creatura mundi per ea que sacta sunt, intellecta conspiciuntur b. At verò æternitatem & immutabita creatio : de litatem ipsius comprehendere multum est à me : lucem habitat inacces-Filio incarna- sibilem. De Filio autem magnum aliquid novi (eius gratia) scilicet tio: de Spiritu Incarnationem. Nam generationem eius quis enarrabit ? Quis comprehendat æqualem Genitum Genitori? Jam & de Spiritu Sancto si non prehensibilia. processionem qua ex Patre Filioque procedit, (illa enim mirabilis facta est scientia ex me, confortata est, & non potero ad eam) novit tamen aliquid, videlicet Inspirationem. Duo enim sunt, unde procedat, & quo. cessio Spiritus Processio à Patre & Filio, posuit tenebras latibulum suum: sed processio ad homines, hodie coepit innotescere, & est jam fidelibus

Et prius equidem (quoniam sic oportebat) signis visibilibus invisibilis Spiritus suum declarabat adventum: nunc eius signa quô spiritualiora sunt, eò magis congrua, eo magis videntur Spiritu sancto digna. Venit tunc super Discipulos in linguis igneis, ut verba ignea loquerentur, & legem igneam linguæigneæ prædicarent. Nemo conqueratur, quod minime nobis illa manifestatio spiritus siat. Vnicuique enim datur manifestatio spiritus ad utilitatem d. Denique si dicere opus est, nobis illa manifestatio potius quam Apostolis sacta est. Ad quid enim illis necessariz ritus facta Di- linguæ gentium nisi ad conversationem gentium ? Fuit eis alia quædam scipulis: exte- manifestatio magis ad eos pertinens & hæc usque hodie fit in nobis. Marior per signa nisestum enim suit indutos esse virtute ex alto, qui de tanta pusillanimitaper gratiam, te spiritus ad tantam devenere constantiam. Non est jam fugere, non est ábscondi propter metum Judæorum, constantius modo prædicant, quam delitescerent ante timidius. Denique mutationem illam dexteræ Expostolorio post celli manifeste declarat Principis Apostolorum prius quidem inter ancilacceptii Sp. s. læ verba formido, postmodum inter Principum verbera sortitudo. Ibant \*e Act. s. g (ait scriptura e) gaudentes à conspectu concilii, quoniam digni habiti sunt pro nomine Iesu contumeliam pati, quem sanè prius cum duceretur ad concilium, solum reliquerant sugientes. Quis dubitet advenisse Spiritum vehementem, qui mentes eorum invisibili illustraret potentia? În hunc modum etiam modò quæ Spiritus operetur in nobis, testimonium perhi-

fr. Petr. 3. b bent in nobis de co f.

Quia

a Pfal.99.a &Rom.I.c De Patreno. S. inspiratio: catera income Ela. 53. Duplex pro-S. unde , & quò: illa à Patre & Fi- manisesta. lio, hec ad homines.

d1. Cor. 12a Duplex mamifestatio spi-

Mutatio & fortitudo A- In Die Pentecostes, Sermo I.

Quia igitur mandatum accepimus &, ut declinantes à malo, facia- g Pfal.;6.e mus quod bonum est, vide quemadmodum Spiritus in utroque adjuvat infirmitatem nostram. Nam divisiones gratiarum sunt, idem autem spi- Spiritus S. oritus. Propterea ad declinandum à malo, tria operatur in nobis, com- peratur tria punctionem, supplicationem, remissionem. Initium enim revertendi clinandum à ad Deum, Pœnitentia est, quam sine dubio Spiritus operatur, non no- malo. ster, sed Dei : idque & certa ratio docet, & confirmat authoritas. Quis enim cum ad ignem venerit algens, & fuerit calefactus, dubitabit ei ab Potentiam feu igne venisse calorem, quem habere non poterat sine illo? Sic ergo qui compunctio. prius in iniquitate erat frigidus, si postmodum fervore quodam pæniten- nem cordu. tiæ accendatur, alium sibi Spiritum, qui suum arguit, & dijudicat, non dubitet advenisse. Habes hoc & in Evangelio, ubi cum loqueretur de Spiritu quem accepturi erant credentes in eum: Ille, inquit, & arguet g Ioan. 16. a

mundum de peccato.

Sed quid prodestpænitere de culpa, & non supplicare pro venia? Item supplica-Necesse ut etiam hocspiritus operetur, dulcedine quadam spei replens a- tionem pro nimum, per quam fiducialiter postules nihil hæsitans. Vitne ostendam venia. tibi etiam hoc opus esse Spiritus sancti? utique dum abest ille, tale aliquid in tuo spiritu non invenies. Denique ipse est in quo clamamus. Abba g Rom. 8.c pater. Ipse qui postulat pro Sanctis, gemitibus inenarrabilibus. Et hæc quidem in corde nostro. Quid autem in corde Patris? Sicut in nobis inter- Et ipsam pecpellat pro nobis, ita in Patre delicta donat cum ipso Patre. Advocatus catorum renoster ad Patrem in cordibus nostris, Dominus noster in corde Patris. Ita- missionem. que quod postulamus, idem ipse donat, qui donat ut postulemus : & sicut nos erigit pia quidem fiducia, ita Deum inclinat ad nos magis pia misericordia lua. Itaque ut omnino scias quia remissionem peccatorum Spiritus Sanctus operatur, audi quod aliquando audierunt Apostoli : Accipite Spiritum sanctum : quorum remiseritis peccata, remittuntur eis. Et de

malo quidem declinando fic. Porrò ad faciendum bonum quid in nobis Spiritus bonus operatur? Ad bonin fa-Profecto monet, & movet, & docet. Monet memoriam, rationem docet, ciendum tria movet voluntatem. In his enim tribus tota consistit anima. Memoriæ sug- itidem in nogerit bona in cogitationibus fanctis, atq; ita ignaviam nostram torporemq; bis operatur repellit. Propterea quotiens huiusmodi suggestione boni senseris in corde Sp. S. Monet tuo, da honorem Deo, & age reverentiam Spiritui S. cuius vox fonat in auribus tuis. Ipse namq; est qui loquitur justitia. Et in Evangelio habes, quia ille suggeret vobis omnia quecunq; dixero vobisk. Er adverte quid præmiserit: k loan. 14. d Ille docebit vos omnia. Dixeram enim quia docet rationem: Multi siquidem monentur, ut benefaciant, sed minimesciunt quid agendum sit, nisi adsit

00 2

iloan. 20.f

1-

rin

te

e.

It

100

1-

1-

et

1-

n

ea

),

18

-

g

1

Sancti Patris Bernardi 294

docet ratione, Hacob. 4. d

Jazem.

denuò gratia Spiritus sancti, ut quam inspirat cogitationem doceat in opus proferre, ne vacua in nobis sit gratia Dei. Sed quid !? Scienti bonum, & non sacienti, peccatum est illi gratia. Propterea non solum momevet volun- neri & doceri, verum etiam moveri & affici ad bonum necesse est ab eo utique Spiritu, qui adjuvat infirmitatem nostram, & per quem in cordibus nostris diffunditur charitas, quæ est bona voluntas.

Quomodo vemat ad nos Sp. S. in fpeoie ignis.

Impletio domus mystica.

Quinquacost quia 50. post Pascha vel Spatium dierum inter Pafeha 3 Pentecoft,

Itaque cum sic adveniens Spiritus totam possederit animam suggerendo, instituendo, afficiendo, loquens semper in cogitationibus nostris, ut audiamus & nos quid loquatur in nobis Dominus Deus, rationem illuminans, voluntatem inflammans : non tibi videtur quia totam domum impleverint dispertitæ linguæ tanquam ignis? Namin his tribus superius dictum est animam consistere totam. Sint autem dispertitæ linguæ propter multiplices cogitationes, sed earum multiplicitas, & uno lumine veritatis, & uno charitatis servore sit tanquamignis. Aut certe domus impletio fini potius reservetur, quando mensuram bonam, & confertam, & coagitatam & supereffluentem dabunt in sinus nostros. Sed quando hæc erunt? Profecto cum completi suerint dies Pentecostes. Felices vos, qui jam intrastis quinquagesimam requiei, & Jubilæum annum. Fratres nostros loquor, quibus jam dixit Spiritus, ut requiesant à laboribus gesima. i. e. suis. Etenim hoc quoque inter eius opera reperimus. Duo namque festum Pente- tempora celebramus, Fratres, Quadragesima unum alterum Quinquagesimæ: illud ante Passionem, istud post Resurrectionem: illud in comdiecelebratur, punctione cordis & lamentis pœnitentiæ, istud in devotione spiritus, & alleluja solenni. Prius quidem tempus ipsa est vita præsens: posterius vero quietem Sanctorum fignificat, quæ est post mortem. Dum autem venit illius Quinquagesimæsinis, in judicio scilicet & resurrectione, completis diebus Pentecostes, aderit plenitudo Spiritus, & totam replebit domum. Plena siquidem erit omnis terra majestate eius, quando non solum anima, sed & ipsum corpus spirituale resurget, sitamen juxta Apo-Roli monitum, dum adhue est animale, suerit seminatum.

#### IN FESTO PENTECOSTES.

SERMO II.

# Pfal. 67:

7 Odie, dilectissimi, cœli distillaverunt à facie DEI Sinai, à facie DEI Hodie, dilectinimi, cuit diffunda est di la constata est hæreditati Christi. Spiritus enim sanctus procedens à Patre, largiori munere suæ maiestatis in Apostolos supervenit, & tribuit eis charismatum dona. Post magnisicentiam enim Resurgentis, post gloriam Ascendentis, post Residentis sub-Kmitatem, non restabat nisi ut expectationi justorum lætitia adveniret,&

In Die Pentecostes, Sermo II.

eœli muneribus cœlestes homines implerentur. Vide autem si non & sententiarum pondere & verborum ordine hæc omnia Esaias longe ante prædixit b. Erit (inquit) in die illa germen Domini in magnificentia & gloria, & fructus terra sublimis, & exultatio his qui salvati suerint de Israel, Germen Domini, Jesus Christus solus de mundissimo conceptus semine : quia Locus Isai. de etsi in similitudine carnis peccati, non tamen in carne peccati. Et si fi- Christo explilius carnis Adæ, non tamen filius prævaricationis Adæ: qui non fuit na- catur. tura filius iræ, ficut reliqui omnes qui in iniquitatibus sunt concepti. Istud ergo germen quod de virga Jesse virore virgineo pullulavit, in magnificentia fuit, cum resurrexisset à mortuis, quia tunc Domine DEUS meus magnificatus es vehementer, confessionem & decorem induens, amidus lumine ficut vestimento . Quanta autem Ascendentis gloria, . Pfal. 103.2 cum medius Angelorum & animarum sanctarum ad Patrem deduceris, & triumphatrice palma cœlis invectus, susceptum hominem in ipsa divinitatis claudis identitate? Quis cogitet, nedum loquatur, quam sit fructus terræ sublimis in consessu ad dexteram Patris, quod utique colestium oculos reverberat naturam, quod angelicus intuitus contremit, non attingit? Veniat ergo exultatio Domine Jesu his qui salvati sunt de Israel, Apostolis tuis quos elegisti ante mundi constitutionem. Veniat spiritus tuus bonus qui sordes abluat, & infundat virtutes, in spiritu judicii, & spiritu ardoris Dei.

Ea igitur, Fratres, cogitemus super nos & in nos opera Trinitatis Contemplatio ab initio mundi usque ad finem, & videamus quam sollicita fuerit illa operum divimaiestas, eui administratio pariter & gubernatio sæculorum incumbit, norum pro rene nos perderet in æternum. Et potenter quidem omnia fecerat ,& fa- paratione gepienter omnia gubernabat, & utrarumque rerum tam potentiæ quam sa- neris humani. pientiæ figna manifestissima tenebantur in creatione & conservatione machinæ mundialis. Et bonitas quidem in Deo erat, & bonitas multa nimis, sed latebat in corde Patris cumulanda quandoque super genus filiorum Adam tempore opportuno. Dicebat tamen Dominus d: Ego liorum Adam tempore opportuno. Dicebat tamen Dominus : Ego Potentia & cogito cogitationes pacis, ut mitteret nobis illum qui est pax nostra, qui se- sapientia Dei cit utraque unum : ut jam daret pacem super pacem, pacem his qui lon- semper & ugè, & pacem his qui propè. Verbum igitur Dei in sublimi constitutum, bique conspiut ad nos descenderet, propria benignitas invitavit, misericordia traxit, tas pracipue veritas qua se promiserat venturum compulit, puritas uteri virginalis salin opere Reva Virginis suscepit integritate, potentia eduxit, obedientia in omnibus demptionis. deduxit, patientia armavit, charitas verbis & miraculis manifestavit.

Prorius amplissima mihi nunc materia & malorum meorum suppetit, & bonorum Domini mei, ut cum cogitaverim vias meas, conver-

d Hier. 29. c

003

tam

S. Patris Bernardi 296

tam pedes meos in testimonia iua. Illa enim bona ineffabilia funt, quia (utbrevi verbo cunca concludam) nihil melius invenire potuit unde nos redimeret sapientia Dei, in omni sapientia sua. Sed & mala circundederant nos, quorum non erat numerus: quia peccari (justus loquitur) ez Par. 36.3 super numerum arena maris : &, propter nomen tuum Domine propitiaberis Serpens per E- peccato meo, multum est enim f. Missus est coluber tortuosus à diabolo, ut venenum per aures mulieris in ipsius mentem transfunderet, & sic refunderet in totius posteritatis originem. Missus est interim Gabriel Anneri humano: gelus à Deo, ut Verbum Patris per aurem Virginis in ventrem & mentem ipsius eructaret, ut eadem via intraret & antidotum, qua venenum intraverat. Verè vidimus gloriam eius, gloriam quasi Unigeniti à Patre: quia totum paternum est, quod de corde Patris Christus attulit nobis, ut nihil in Filio Dei nifi dulce, nifi paternum, humani generis trepidatio fuspicetur. A planta pedisusque ad verticem non erat in nobis sanitas: erraveramus ab utero: in utero damnati, antequam nati: quia de peccato

& in peccato concepti.

Christus ergo ibi primum medicinam apposuit, ubi primus vulneri patebat locus: & substantialiter utero Virginis illapsus, de Spiritu saneto conceptus est: ut conceptionem nostram mundaret, quam spiritus malus si non secerat, tamen infecerat: ut non esset etiam in utero vita ipfius otiofa, dum novem menfibus purgat vulnus antiquum, scrutans, ut dicitur, usque ad imum putredinem virulentam, ut fanitas sempiterna succederet. Et nunc jam operabatur salutem nostram in medio terræ, in utero videlicet Virginis Mariæ, quæ mirabili proprietate terræ medium appellatur. Ad illam enim ficut ad medium, ficut ad arcam Dei, ficut ad rerum causam, sigut ad negotium seculorum respiciunt & qui in cœlo habitant, & qui in inferno, & qui nos præcesserunt, & nos qui sumus, & qui sequentur, & nati natorum, & qui nascentur ab illis. Illi qui sunt in cœlo, ut refarciantur: & qui in inferno, ut eripiantur: qui præcesserunt, ut Prophetæ fideles inveniantur : qui sequuntur, ut glorificentur, Eò beatam te dicunt omnes generationes Genitrix Dei, Domina mundi, Regina cœli. Omnes, inquam, generationes &. Sunt enim generationes coeli & terræ. Pater spirituum, ait Apostolus b, ex quo omnis paternitas in colo & in terra nominatur. Ex hoc ergò beatam te dicent omnes generationes, quæ omnibus generationibus vitam & gloriam genuisti. Inte enim Angeli lætitiam, justi gratiam, peccatores veniam invenerunt in æternum, Merito in te respiciunt oculi totius creaturæ, quia in te, & per te, & de te benigna manus Omnipotentis quicquid creaverat recreavit.

Placa-

Christus Salutem nostram operatus in medio terræ: nempe,in virgins utero.

vam infudit

venenum ge-

at Angelus

Mariamo

antidotum per

g Luc. I hEph.3 b In die Pentecostes, Sermo II.

Placebitne tibi Domine JESU, ut dones mihi vitam tuam, ficut dedisti conceptionem? quia non solum conceptio mea immunda, sed mors perversa, vita periculosa, & post mortem restat mors gravior, mors seperveria, vita periculoia, & post mortem retat mors gravior, mors les tio, vita, cunda. Non solim, ait, conceptionem meam, sed & vitam meam, & mors, resurrehoc per fingulos ætatum gradus infantiæ, pueritiæ, adolescentiæ, juven- tho, aftensio, tutis tibi donabo, adjiciens mortem, refurrectionem, ascensionem, & & missio Sp. missionem Spiritus sancti. Hoc autem ideo, ut conceptio mea emundet omnia hac notuam, vita mea instruat tuam, mors mea destruat tuam, resurrectio mea præcedat tuam, ascensio mea præparet tuam, porrò Spiritus adiuvet infirmitatem tuam. Sic enim plane videbis & viam per quam ambules, & cautelam qua ambules, & ad quam ambules mansionem. In vita mea cognosces vitam tuam, ut sicut ego paupertatis & obedientiæ, humilitatis & patientiæ, charitatis & misericordiæ indeclinabiles semitas tenui, sie & tu eisdem vestigiis incedas, non declinans ad dexteram neq; ad sinistram. In morte autem mea dabo tibi justitiam meam, dirumpens jugum captivitatis tuæ, & expugnans hostes qui sunt in via vel juxta viam, ut non apponant amplius nocere tibi. His autem completis revertar in domum meam unde exivi, & ovibus illis quæ in montibus remanserant, & quas propter te reliqueram, ut non te ducerem, sed reportarem, reddam fa-

Tria donat miffus à Chris.

Christi tonces

207

Et ne de absentia mea vel murmures vel contristeris, mittam tibi Spiritum Paracletum, qui tibi donet pignus salutis, robur vitæ, scientiæ lumen. Pignus salutis, ut ipse Spiritus reddat testimonium spiritui tuo, Pignus saluquod filius Dei sis: qui certissima signa ptædestinationis tuæ cordi tuo ii: imprimat & ostendat: qui donet lætitiam in corde tuo, & de rore cœli si non continue, tamen sæpissime mentem tuam impinguet. Robur vita, ut Robur vita: quod per naturam tibi est impossibile, per gratiam eius non solum possibile, sed & facile fiat : ita ut in laboribus, in vigiliis, in same & siti, & in omnibus observantiis (quæ nisi farinula ista dulcorentur, prorsus mors in Lumen scien. olla appareat) delectabiliter incedat ficut in omnibus divitiis. Scientia lu- tia. men, ut cum omnia benefeceris, te servum inutilem putes: & quicquid boni in te inveneris, illi tribuas à quo omne bonum est, sine quo non parum aliquid, sed nihil omnino potes incipere, ne perficere dicam. Sic ergò Spiritus iste in tribus istis te docebit omnia quæ ad tuam pertinent salutem, quia in ipsis est plena & absoluta persectio.

Hoe est quod per Prophetam ide Spiritus dicit " : Seminate vobis ad ju- hosce. 10.6 firiam, ubi pignus salutis ostenditur: metite spem vitæ, ubi vitale robur ac- Cur Spiritus cipitur; illuminate vobis lumen scientiæ, quod verbis propriis subinfertur. S. in igne. Unde & Spiritus iste super Apostolos in igne apparuit propter lumen pariter

Sancti Patris Bernardi 298

pariter & ardoré. Quos enim repleverit, & spiritu fervere, & in veritate cognoscere facit, quia sola misericordia est quæ eos & prævenit, & perducit. Multum sibi de hac misericordia undiq; contraxerat \* puer Domini, cum \* al.contra-diceret i: Misericordia eius præveniet me, & k, Misericordia tua ante oculos meos est. & l, Misericordia tua subsequetur me omnibus diebus vita mea. & m, iPfal. 58.b Qui me coronat in misericordia & miserationibus. &, Deus meus misericordia k Pfal. 25.a mea. Quam dulciter Domine Jesu cum hominibus conversatus es, quam IPfal, 22, b mPfal.102.a abundanter multa & magna bona hominibus largitus es, quam fortiter tam indigna, quam aspera pro hominibus passus es, ita ut liceat sugere mel de petra, oleumque de saxo durissimo: duro ad verba, duriore ad verbera, durissimo ad crucis horrenda: quia in omnibus his sicut agnus coram tondente se obmutuit, & non aperuit os suum. Vides igitur quam

n Pfal. 29.d verum dixeritille qui dixit ", Dominus sollicitus est mei. Pater ut servum redimat, Filio non parcit : Filius seipsum libentissime tradit : Spiritum sanctum uterque mittit: & ipse Spiritus postulat pro nobis gemitibus inenarrabilibus.

Induratos & ad Dei beneficia stupidos compellate

dixerat-

O duri & indurati & obdurati filii Adam, quos non emollit tanta benignitas, tanta flamma, tam ingens ardor amoris, tam vehemens amor, qui pro vilibus sarcinulis tam preciosas merces expendit! Non enim corruptibilibus auro vel argento redemit nos, sed precioso sanguine suo, quem effudit abunde : quia largiter unda sanguinis de corpore Jesu per quinque partes emanaverunt. Quid ultra debuit facere, & non fecit? Illuminavir excos, reduxit erroneos, reconciliavit reos, justificavit impios, triginta & tribus annis super terram visus, cum hominibus conversatus, pro hominibus mortuus, qui de Cherubim & Seraphim & omnibus angelicis virtutibus dixit, & facta funt, cui subest cum voluerit omnia polfe. Quid ergo à te quærit qui tanta sollicitudine te quæsivit, nisi te sollicitum ambulare cum Deo tuo? Hanc sollicitudinem non facit nisi Spiritus fanctus, qui scrutatur profunda pectorum nostrorum, discretor cogitationum & intentionum cordis, qui nec minimam paleam intra cordis quod possidet habitaculum patitur residere, sed statim igne subtilissimæ circunspectionis exurit spiritus dulcis & suavis, qui nostram voluntatem flectat, imò erigat & dirigat magis ad suam, ut cam & veraciter intelligere, & ferventer diligere, & efficaciter implere possimus.

Quid requirat à nobis, qui tantopere mos quesivit.

## IN FESTO PENTECOSTES

SERMO III.

Uam libenter vobis communicem si quid mihi superna dignatione tensero inspiratum, novit Spiritus ipse, cuius hodie solemnitatem, In Festo Pentecostes, Sermo III.

& solemnitatem præcipuam celebramus, utinam devotione præcipua. Ipse est enim, dilectissimi, qui vos sedere facit non solum in civitate, sed & in domo una, ut sedeat super sedentes, ut requiescat super humiles & trementes ad sermones suos. Ipse est qui Virgini obumbravit, Apostolos Spiritus Sanroboravit, ut & virgineo corpori temperaret Deitatis accessium, & Apo- li opera. stolos indueret virtute ex alto, serventissima scilicet charitate. Hanc nimirum Apostolicus ille chorus Ioricam sese induit sicut gigas ad faciendam vindictam in nationibus, increpationes in populis: ad alligandos reges eorum in compedibus, & nobiles eorum in manicis ferreis a. Quia enim in domum fortis, ligare eum, & vasa eius diripere mittebantur, opus erat fortitudine ampliori. Alioquin quam multum erat ad ipsos, ut de morte triumpharent, & ne ipsæ quidem portæ inseri prævalerent adversus eos, si non vigeret in eis, quæ in eis vinceret dilectio fortis ut mors, dura sicut infernus æmulatio? Hunc sibi zelum imbiberant, cum vino ebrii putarentur b. Et verè ebrii vino, sed non eo, quo ab incredulis ebrii cre. b Act. 2. b debantur. Plane, inquam, ebrii, sed vino novo, quod veteres quidem Vinum mystiutres nec mererentur accipere, nec continere valerent. Hoc enim vinum tualis ebrietas vera illa Vitis fuderat de excelfo, vinum lætificans cor, non statum mentis que? evertens: vinum germinans virgines, non apostatare faciens etiam sapientes. Novum vinum, sed habitantibus super terram. Nam in cœlis quidem olim copiosissimè redundabat, non in utribus, nec in testeis vafis, sed in cella vinaria, in spiritualibus apothecis. Fluebat per vicos & plateas omnes illius civitatis vinum, in quo lætitia cordis, non carnis luxuria est; Namterrigenæ & filii hominum vinum eiusmodi non habebant.

Sie igitur cœlum quidem vino proprio fruebatur, quod terra interim nesciebat: sed ne ipsa quidem terra penitus inops carne Christi gloriabatur, cuius præsentiam nihilominus cœlum sitiebat. Quidni sidelis- Commercium simum fieret gratissimumque commercium inter cœlum & terram, inter cœli & terra Angelos & Apostolos, ut exhiberetur illis caro Christi, istis vinum cœli, essetque in terra spiritus, caro in cœlis, ac deinceps omnia omnibus communia in æternum? Nisi, inquit, ego abiero, Paracletus non veniet ad vos. cloan. 16.2 Hoc est dicere: Si non dederitis quod amatis, non habebitis quod desideratis. Expedit ergo vobis ut ego vadam: vos quoque de terra ad cælum, de carne ad spiritum translaturus, Filius enim spiritus, Pater spiritus, Spirirus sanctus spiritus est. Denique spiritus ante faciem nostram Omnes tres Christus Dominus. Sed & Pater quia spiritus est, tales quærit adorato- persone in res qui adorent eum in spiritu & veritate. Spiritus tamen sanctus quasi Deitate Spispecialiter spiritus dicitur, quod ab utroque procedat, firmissimum & in- ritus, tertia dissolubile vinculum Trinitatis: tanquam proprie sanctus, quod sit do-liter.

Sermones S. Bernardi.

1

#### Sancti Patris Bernardi 300

num Patris & Filii, omnem fanctificans creaturam: quamvis Pater quoque & spiritus, & sanctus: itémque & Filius, & spiritus & sanctus sit. Ex

quo omnia, per quem omnia, in quo omnia, ait Apostolus 4. dRom. 11.d

Tria in opere mundi cogităda, quid, quomodo & quorsum sit.

di bona complexi, non cogitant , cur, ant ad quid facta fint.

Philofophoru circa modum & ordinem rerum occupatio vana.

Vere Sapientis finem. Prov. 16.a

carnahu Phitofophorum & furitualsum.

Tria in magno huius mundi opere cogitare debemus, videlicet quid sit, quomodo sit, ad quid sit constitutus. Et in esse quidem rerum inæstimabilis potentia commendatur, quod tam multa, tam magna, tam mula tipliciter, tam magnifice funt creata. Sane in modo ipfa fapientia fingularis elucet: quod hæc quidem sursum, hæc verò deorsum, hæc in medio ordinatissime sint locata. Si verò ad quid factus sit mediteris, occurrit tam utilis benignitas, tam benigna utilitas, quæ etiam ingratissimos quof-Carnales mu- que multitudine & magnitudine beneficiorum possit obruere. Potentissimè siquidem ex nihilo omnia, sapientissimè pulchra, benignissimè utilia funt creata. Veruntamen & fuisse novimus ab initio, & adhuc multos esse videmus in filiis hominum, qui in bonis inferioribus sensibilis mundi huius, tota sensualitate depress, totos se dederunt his quæ sada funt, quonam modo, vel ad quid facta fint negligentes. Quid iftos nifi carnales dicamus? Paucissimos esse jam arbitror: legimus tamen nonnullos quandoque fuifle, quibus fummum ftudium fuit, atque unica follicitudo, modum & ordinem investigare factorum, adeò ut plerique non modò utilitatem rerum perquirere dissimulaverint, sed & ipsas magnanimiter spreverint, cibo parvissimo vilissimoque contenti. Ipsi quidem sele philosophos vocant, sed à nobis curiosi & vani rectinis appellantur.

Utrisque igitur successerunt Viri prudentiores utrisque, qui nimiest mrebin co. rum & quæ facta sunt, & quomodo facta sunt transilientes, intenderuntaditis spectare ciem mentis, ut ad quid facta sunt, viderent. Nec latuit eos quoniam omnia propter semetipsum fecit Deus o, omnia propter suos. Alitertal men propter se, aliter propter suos, in eo quippe quod dicitur, omnia propter [e, præveniens commendatur origo; in eo autem quod dicitur, omnia propter suos, magis exprimitur fructus sequens. Omnia secit propter semetipsum, gratuita videlicet bonitate: omnia propter electos suos, pro eorum scilicet utilitate, ut illa quidem efficiens causa sit, hæc sinis. Hi funt spirituales viri sic utentes hoc mundo tanguam non utentes, sed in fimplicitate cordis sui quærentes Deum, ne illud quidem magnopere vefligantes, quonam modo mundialis hæc machina volueretur: primi vo-

auptate, fecundi vanitate, tertii veritate impleti.

Gaudeo vos esse de hae schola, de scholavidelicet spiritus, ubi bonitafPlal. 118.a tem & disciplinam & scientiam discatis, & dicatiscum sancto f : Super 6mnes docentes me intellexi. Quare inquam? Nunquid quia purpura & bysto me indui, & quia lautioribus epulis abundavi? Nunquid quia Pla-

tonis

In die Pentecostes, Sermo III.

tonis argutias, Aristotelis versutias intellexi, aut ut intelligerem laboravi? Absit inquam, sed quiatestimonia tua exquisori. Felix qui in hoc sancti Triplicem spi-Spiritus thalamo commoratur, ut possit intelligere triplicem illum Spirit rituex Ps. 50. tum: de quo idem ipse puer Domini super seniores intelligens clama- figillation de bat, & decantabat 8 : Ne projicias me à sacie tua, & spiritum sanctum tuum commodat. ne auferas à me. Cor mundum crea in me Deus, & spiritum rectum innova in \*g Plal. 50.0 visceribus meis. Redde mihi latitiam salutaris tui, & Spiritu principali confirma me. Spiritum sanctum ipsum intellige proprio nomine designa- Spiritus santum. Rogat ergo ne projiciatur à facie eius tanquam aliquid immundum; quia spiritus iste odit sordes, nec habitare poterit in corpore subdito peccatis. Cui enim proprium est peccata repellere, ipsi & proprium est peccata odisse\*: nec in uno domicilio pariter morabuntur tanta mun- \* al. odire. ditia, & immunditia tanta. Recepto ergo sancto Spiritu per sanctimoniam, sine qua nemo videbit Deum, audet quis ante saciem eius apparere tanquam lotus & mundus: utpote qui contineat se ab omni malo, & qui actiones, etsi non cogitationes frænaverit.

Sed quia perversæ & immundæ cogitationes separantà Deo 1:0-1/Sap.1. randum est ut cor mundum creetur in nobis : quod utique fiet, si spiritus recus fuerit in nostris visceribus innovatus. Spiritum rectum quod ait, Filio potest non inconvenienter aptari, qui nos veterem hominem exuens, novum induit, qui nos renovavit in spiritu mentis nostræ tanquam in visceribus nostris, ut cogitemus quæ recta sunt, ut ambulemus in novitate spiritus, & non litera vetustate, Formam enim rectitudinis de cœlis attu-Lit, reliquit in terris: immiscens sane & mittens dulcedinem rectitudinis in omnibus operibus suis, sicut de codem ipse prædixerat : Dulcis & re- i Psal. 24.b ctus Dominus, propter hoc legem dabit delinquentibus in via. Castigato ergo corpore per sanctitudinem operum, mundato corde vel potius innovato per rectitudinem cogitationum, redditur lætitia salutaris, ut jam in lumi-

ne vultus Dei ambules, & in nomine eius exultes tota die. Quid igitur restat, nisi ut spiritu principali confirmeris? Patrem in- Spiritus printellige spiritum principalem: non quòd maior, sed quòd solus à nullo, ab cipalia. eo sit Filius, Spiritus sanctus ab utroque. In quo autem confirmatio hæc, nisi in charitate? Aut quod donum aliud tam dignum Patre? Quod mupus aliud tam paternum? Quis nos (ait Apostolus k) separabit à charitate Christi? tribulatio an angustia, an fames, an huditas, an periculum, an gersecutio, an gladius? Certifitis, quia neque mors, neq; vita, neq; extera alia, quæ Apostolus tam multipliciter quam audacter enumerat, poterunt nos separare à charitate Dei, quæ est in Christo Jesu. Nunquid non hoc Pp 2

it

S. Patris Bernardi 302

Testimonium bis habitantis unde sumen-

hoc confirmationem ab omni huius sententiæ parte demonstrat? Scis vas tuum possidere in sanctificatione & honore, & non in passione desiderii? Spiritum sanctum accepisti tibi. Vis ut quæcunque tibi vis ab hospiritus in no. minibus fieri, tu quoque facias illis, & quod tibi fieri non vis, alii ne feceris? Spiritum rectum ad opus proximi suscepisti. Hæc est enim rectitudo quam lex utraque commendat, & quæ naturæ indita eft, & quæ tradita per Scripturam. Jam si in utroque bono, in his quæ ad utrumque pertinent, firmiter perseveras: principalem spiritum, quem solum DEUS approbat, recepisti: Alioquin quæ modò sunt, modò non sunt, is qui verè est, non acceptat, nec in caducis istis, sibi potest æternitas complacere. Itaque si desideras, ut in te Deus eligat partem sibi: esto solicitus sieut tibi Spiritum sanctum, sieut proximo spiritum rectum, sie ei quoque tanquam vero Principi, & Patri spirituum spiritum principalem exhibere.

Spiritus quomodo mustiplex.

Spiritus S.datur hominibus multipliciter.

Pauci quibus datur Spirit. S. ad ferro-

gem.

Vere multiplex spiritus, qui tam multipliciter filiis hominum inspiratur, ut non sit qui se abscondat à calore eius. Siquidem conceditur eis ad usum, ad miraculum, ad salutem, ad auxilium, ad solatium, ad fervorem. Ad usum quidem vitæ, bonis & malis, dignis pariter & indignis communia bona abundantistimètribuens, ita ut videatur hie discretionis limitem non tenere. Ingratus, qui in his quoque beneficium spiritus non agnoscit. Ad miraculum, in signis & prodigiis, in variis virtutibusquas per quorumlibet manus operetur: ipfa est antiqua miracula fuscitans, ut ex præsentibus fidem astruat præteritorum. Sed quia non-\*al. tertio. nullis hanc quoque gratiam fine propria utilitate largitur : tertia\* infunditur ad salutem : cum in toto corde nostro revertimur ad Dominum Deum nostrum. Porrò ad auxilium datur, cum in omni colluctatione adjuvat infirmitatem nostram. Nam cum testimonium perhiberet spiritui nostro quòd filii Dei sumus, ea inspiratio est ad consolationem. Datur etiam ad fervorem, cum in cordibus perfectorum vehementius spirans validum ignem charitatis accendit, ut non solum in spe filiorum Dei, sed etiam in tribulationibus glorientur, contumeliam gloriam reputantes, opprobrium gaudium, despectionem exaltationem. Omnibus nobis, ni fallor, datus est spiritus ad salutem, ad servorem non ita. Pauci enim funt qui hoc spiritu repleantur : pauci qui studeant æmulari. Contenti fumus angustiis nostris, nec respirare in libertatem illam, non saltem ad eam spirare conamur. Oremus, fratres, ut complaceant in nobis dies Pentecostes, dies remissionis, dies exultationis, dies verissimi Jubilæi: & inveniat nos semper Spirirus saectus omnes propter præsentiam corporalem, pariter propter cordium unitatem, in codem loco per promit-

In Nativit. S. Joannis Bapt. Sermo. sam stabilitatem; ad laudem & gloriam sponsi Ecclesiæ Jesu Christi Domini nostri, qui est super omnia Deus benedictus in sæcula, Amen.

#### IN NATIVITATE S. JOANNIS BAPTISTÆ, De Lucerna ardente & lucente,

SERMO.

Ipse erat Lucerna ardens & lucens, Joan. 5. f CIt procul ab his conventibus, Fratres, increpatio illa Prophetæ Ju-Idaica reprobantis conventicula, & dicentis 4: Iniqui sunt cœtus vestri. Hi nimirum cœtus non iniqui, sed plane sancti, sed religiosi, sed pleni gratia, digni benedictione. Convenitis fiquidem ad audiendum DEUM: convenitis ad laudandum, ad orandum, ad adorandum. Sacer est conventus uterque, placens Deo, Angelis familiaris. State ergo in reverentia, fratres, state in sollie itudine & devotione mentis: maximeque in lo- Quanta cum co orationis, & in hac schola Christi, & auditorio spirituali. Nolite con- cris conventisiderare, dilectissimi, quæ videntur & temporalia sunt, sed magis quæ non Lus tum ad ovidentur æterna. Secundum fidem, non secundum faciem judicate. Ter- rationem, tum ribiliter siquidem metuendus est locus uterque : nec maior adesse cre- ad pradicadendus est numerus hominum, quam Angelorum. Patet utrobique si- tionem interne dubio porta cœli, scala illa erecta est, ascendunt & descendunt Angeli super filium hominis. Gigas namque est iste filius hominis, cœlum ei sedes est, terra scabellum pedum eius. Et elevata est magnificentia eius fuper cœlos: manet tamen nobiscum usque ad sæculi consummationem. Ascendunt & descendunt itaque ad Deum Angeli sancti; quia caput & corpus unus est Christus.

Nec tamen ubi caput, sed ubicunque suerit corpus, ibi congregabuntur & aquilæ, licet non possit caput à corpore separari. Denique & ipse ait 6 : Vbi duo vel tres congregati fuerunt in nomine meo, in medio eorum sum : Sed forte quis dicat : Ubi est modo Christus? Ostende nobis Christum, & sufficit nobis. Quid curiosos circunducitis oculos? Num ad videndum & non magis ad audiendum convenitis? Dominus Deus aperuit mihi aurem, ait Propheta . Aurem meam aperuit ut audiam quid loquatur: non oculum, ut videam vultum eius, illuminavit. Aut certe suam mihi aperuit aurem, non faciem revelavit. Post parietem stat, audit & auditur : sed necdum apparet. Audit orantes, erudit audientes. An experimentum eius quæritis qui in me loquitur Christus d? Ego, inquit, qui loquor justitiam. Quidni loqua- d2.Cor. 12.a tur ore, quod ipse blasmavit? Quidni suo utatur, ut libet, artisex instrumento? Non tantum aures corum, sed & labia mea aperi Domine : ego Pp 3 enim

6 Matt. 18. 8

c Efai. 50.h